

6. gr.

Ríkissjóður endurgreiðir lögreglustjórum (bæjarfógetum og sýslumönnum) útlagðan kostnað vegna prófnefnda, og skal iðnfræðsluráð í umboði ráðuneytisins úrskurða réttmæti reikninga, áður en endurgreiðsla fer fram.

7. gr.

Reglur þessar eru settar skv. 3. mgr. 38. gr. reglugerðar nr. 143/1967, um iðnfræðslu, og öðlast þegar gildi. Frá sama tíma falla úr gildi reglur nr. 160/1967, um þóknun prófnefndarmanna í löggiltum iðngreinum.

Menntamálaráðuneytið, 22. febrúar 1971.

Gylfi Þ. Gíslason.

Birgir Thorlacius.

23. febrúar 1971.

Nr. 37.

REGLUGERÐ

**um breytingu á reglugerð nr. 106 25. apríl 1969
um viðvörunarmerki almannavarna.**

1. gr.

4. gr. orðist svo:

Viðvörun skal, svo sem aðstæður framast leyfa, framkvæma með samsvarandi hljóðmerkjum um land allt. Hljóðmerki skulu vera þrenns konar.

- a) Merki um áriðandi tilkynningu í útvarpi: Langt hljóð með tveim stuttum á eftir a. m. k. þrítekið.
- b) Merki um yfirvofandi hættu: Stutt hljóð í sífellu í minnst 1 mín.
- c) Merki um að hætta sé liðin hjá: Langt hljóð, einstakt, í minnst $\frac{1}{2}$ mín.

Langt hljóð standi í 6.5 sek. og stutt hljóð í 1.5 sek., nema annað sé tiltekið. Bil milli hljóða í merki sé 2 sek. og milli merkjanna sjálfra minnst 6.5 sek.

Þegar gefin eru hljóðmerki um áriðandi tilkynningu eða yfirvofandi hættu er öll óþarfa notkun síma bönnuð.

2. gr.

Reglugerð þessi, sem sett er samkvæmt heimild í lögum nr. 94 29. desember 1962 um almannavarnir, öðlast þegar gildi.

Dóms- og kirkjumálaráðuneytið, 23. febrúar 1971.

Auður Auðuns.

Ólafur W. Stefánsson.

2. marz 1971.

Nr. 38.

REGLUGERÐ

um eftirlit og mat á söltuðum grásleppuhrognum til útflutnings.

1. gr.

Húsnaði, áhöld og hreinlætisbúnaður við verkun grásleppuhrogna til útflutnings skal vera í samræmi við ákvæði III og IV kafla í „Reglugerð um eftirlit og mat á ferskum fiski o. fl.“, útg. 20. marz 1970.

2. gr.

Séu notuð rotvarnarnefni til blöndunar við söltun hrognanna, er notkun þeirra háð samþykki gerladeildar Rannsóknastofnunar fiskiðnaðarins.

3. gr.

Hrognin skal aðeins salta í nýjar, hreinar og þéttar trétunnur eða tunnur úr öðru efni, er kynni að verða æskilegt og viðurkennt.

Eftir söltun skal geyma hrognin á köldum stað ($+ 2^{\circ} \text{---} 4^{\circ} \text{C}$), en þau mega ekki frjóska.

4. gr.

Hrognatunnur skulu a. m. k. merktar eftirtöldum merkjum: Merki framleiðanda, útflytjanda og Produce of Iceland.

5. gr.

Útflytjendur skulu tilkynna til Fiskmats ríkisins útflutning á hrognum með hæfilegum fyrirvara, sem er að dómi Fiskmats ríkisins nægur til þess að framkvæma gæðamat á hrognum til útflutnings.

Jafnframt ber þá útflytjendum að tilkynna um nettóvigti hrognanna samkvæmt sölusamningi.

6. gr.

Fiskmat ríkisins gefur fiskmatsmönnum skriflegar leiðbeiningar og fyrirmæli um framkvæmd gæðamatsins. Komi fram skemmdir við gæðamat hrognanna ber að stöðva útflutning á þeim þar til nánari rannsókn hefur farið fram, en þá skal viðkomandi yfirfiskmatismaður taka eða láta taka sýni af þeim hrognum og senda gerladeild Rannsóknastofnunar fiskiðnaðarins til rannsókna.

7. gr.

Við gæðamat á hrognum til útflutnings skulu fiskmatsmenn láta opna hverja tunnu á þann hátt, að þeir geti fullvissað sig um, að hrognin séu óskemmd vara t. d. ekki vottur af súr, þránun eða öðrum skemmdum og litur sé eðlilegur.

Þá ber einnig að prófa vigti.

8. gr.

Eiga má tollafgreiða til útflutnings grásleppuhrogn nema útflytjandi leggi fram gæðavottorð frá Fiskmati ríkisins.

9. gr.

Brot á reglugerð þessari varða sektum, sem renna í ríkissjóð. Um mál út af reglugerð þessari skal fara að hætti opinberra mála.

Reglugerð þessi er sett samkvæmt lögum nr. 55 2. maí 1968, um eftirlit og mat á fiski og fiskafurðum, til að öðlast þegar gildi og birtist til eftirbreytni öllum þeim, sem blut eiga að máli.

Ákvæði 1. gr. skulu þó ekki taka gildi fyrr en 1. janúar 1972.

Sjávarútvegsráðuneytið, 2. marz 1971.

Eggert G. Þorsteinsson.

Dórður Ásgeirsson.